



國家清史編纂委員會・文獻叢刊

八編

清代稿鈔本

第三七六冊

國家清史編纂委員會·文獻叢刊

八編

清代稿鈔本

第三七六冊

廣東省立中山圖書館
中山大學圖書館

編

主編 桑兵
副主編 李昭醇
程煥文 劉洪輝

SPM

南方出版傳媒
廣東人民出版社

·廣州·

第三七六冊目錄

梁節庵先生遺墨及題跋鈔錄	一
梅花館吟卷	四七
蘇味庵詩集	二〇三
哀遼東賦	二八七
味鐙閣詩鈔	三三三
睫巢吟草	四三一
於越六子詩 羣英集	五一七

梁節庵先生遺墨及題跋鈔錄

不分卷

梁鼎芬 撰

鈔本

中山大學圖書館藏

梁節庵先生遺墨及題跋鈔錄

右梁文忠墨蹟及友人札崔君伯樾得之其家出以示余余為攷其事書之於後

第一紙第二紙 前敬玉告弟 下缺

此宣統壬子間事據梁思孝 劬哀啓文忠是

年正月病咯血七月往漢口迎端忠敏方之喪

八月訪遺臣於青島此當在漢口聞訃慮表

世凱謀逆故亟問 聖安其往青島亦當典

諸^陳師傳寶琛今晉太傅陸師傳潤庠

卒謚文忠思孝初名學藝故書稱贊兒

壬戌冬余入都 南齋舊友袁珏生勵準為



余言 孝定景皇后崩事云遜國後袁世凱
每月上摺跪安仍稱臣闕半載摺不復上
孝定知為所賣曰抑鬱成疾癸丑正月

萬壽節世凱遣梁士詒責書入賀書稱民
國大總統其餽贈品有大總統大相片孝定
見之驚詫疾遂篤腹脹而喘逆世凱遣醫
診治方用葶藶甘遂大戟等藥舊例本州
云有毒者太醫院不敢用我時以為言醫謂
此仲景法非是疾不瘳內臣信之藥服後
數日遂崩云蓋世凱弑之也壬子 上僅七

齡幸世凱不之忌耳設有不安焉知其不遭
毒手耶觀孝定崩時事宜文忠之迫切
憂燕矣

第三紙 宮門 玉人歎 此書上下缺

此上世伯軒太保續書書缺前後無年月思
孝哀啓謂壬子八月後文忠奔赴梁格莊叩
謁德宗景皇帝暫安殿時宗陵已停工
一年文忠憂憤十月回滬與陳小石制軍變龍
書籌款報效未數日又北上再到梁格莊致
書世太保設法開工太保奏聞孝定景皇后

因有著隨班行礼之命歲莫文忠復回滬
逾年正月 孝定升遐即日奔赴號哭及
梓宮奉移梁松莊文忠跪接於時 宗陵
工程已由當事續修告成文忠恭送奉
安如禮此書前云每日得以隨班行礼任三
日先回上海料理書物月之初旬書箱已發
月內可到梁松莊居住則書上於歲莫回滬
後將起程北上時書蓋再上故以死守不歸
要以太保迅動 陵工也其後云我公清操碩
德夙所傾心自去歲至今捐出應奉無算

者蓋以太保家本富時又兼內務府大臣向
例內務府撥大典禮必先墊巨款事竣然後
領還民國四百萬優待之款不時發時蓋先
指出應奉也珥生言國變後世太保不為宮
中樽節糜費若民國有所請則慨興之皇
室窘難伊世之答此書缺後半詳文忠意殆
請其捐墊 陵工若宮中應奉不妨稍節
歟查優待條件第五款云 崇陵未完工程
及奉安典禮所有經費均由民國擔任文
忠此書以捐墊為言蓋亦迫袁世凱履行優

待也世太保得此書當在癸丑亡月初旬未幾
而孝定崩我朝舊制帝未葬而后崩
則帝后合葬世太保以書示袁世凱袁
不能不發款俾速竣工使行奉安典禮美當
奉安時文忠嘗以遷奠祭品餽二件寄余九
龍未書宣統癸丑十一月十九日大雪梁松莊
寄蓋奉安後一二日也

第四紙 崇陵至二十日

崇陵禮抄事詳內改以同治在
九年蓋改沈乙八書之後二歲宜

編立

此上世太保及陳弼庵 袁琛 伊仲平 克坦兩師

傳書文忠於宣統八年秋奉 旨在中興慶宮
行走與陳伊立為師傅此書在九年而稱中
堂侍郎者舊祀外官二三品對於中堂尚
侍皆尊以官文忠官止臬司故於三人並稱
官而不字時朱艾卿蓋舊亦為師傅書不之
及者蓋在何中王爺謂醕邸也

庚子之亂余奔赴西安 行在寓太陽廟前
之羊皮巷逾年秋文忠以張文襄之函奏請
復官亦至 行在与余同居偶談及相術余
謂文忠曰聞君於庚辰二月李文誠先生

文相君面勸君勿會試，則成進士入翰林至乙酉廿七歲必死君不之信及數館誦文誠文誠曰君面帶火色今稍晦矣廿七歲可不死然必降官其說信否文忠曰信余曰陰渡云何文忠曰文誠謂後當以知府起用所居省濒大水官止三品然能為國宣勞辦一二事時尚未召見也既而命下果得湖北遠缺府由今觀之文忠陰雖署布政使入為師傅然實官止臬司耳丁巳渡辟諸臣皆驟遷尚侍文忠方為上倚任乃執

謹退不肯晉一階豈非定數邪余於國安
後嘗得文忠書謂羊皮巷事豈止隔世直
隔二三世矣文忠少余四歲今卒又十年墓
木已拱而余卧病海濱祈死不死每一念及
為之泣然

第五紙玉第九紙改沈玉封遂

此宣統乙卯冬事文忠於癸丑臘月拜管理
宗陵種樹之命回奏請將陳小石等報效為
種樹費蒙 上俞允賜歲寒松柏扁額一
方小石及其許夫人亦各賜扁額一方文忠

旋往澹集款臘盡復回梁恪莊逾年甲寅
春樹未開種仍未澆上至乙卯正月偏渴
東西陵後始奉 諭消去種 崇陵樹株自
是年符鋤畚与工人力作凡種松十萬株逮秋
乃緩十月請假回籍脩墓此致沈乙厂書則
其南歸至澹作也時袁世凱將稱帝遣梁
士詒江朝宗語世太保勸 上除帝號遷出
乾清宮世太保入告 兩太妃誓死不允文忠聞
之故与乙厂輩共襄挽救所以致書楊杏城者
杏城名士琦四州舉人楊文敬士驤弟袁自

直督入為尚書軍機時薦文敬繼其任杏
城亦以袁故官至農工商部侍郎時袁長
子克定官部參議陞右丞杏城與同官久又
累契及袁將稱帝改內閣總理為國務卿
令徐世昌充其任國務卿下設左右丞以杏城
為左丞文忠意蓋歎杏城嫉告克定由克定
告知乃父也乙巳歎為奇榮以此擢優待條
件第一款為大清皇帝尊號相承勿替
第二款為大內或頤和園由皇帝隨意
居住此本可擣鈞力爭然凶鯀方張前此